


ԱՐՄԱՎԻՐԻ 1987—1988 թթ. ՊԵՂՈՒՄՆԵՐԸ

Հնագիտական աշխատանքները տարվել են Արմավիրի միջնաբերդի մերձտաճարային համալիրի հարավում, արևմուտքում և հյուսիսում (նկ. 1)։

Մ 22 սենյակը, բլրի հարավային լանջին, քաղկացած է դրան բացվածքով հաղորդակցվող

սարվեցին որոշ ճշտումներ։ Պարզվել է, որ Երկու բաժանմունքներն ունեն մոտավորապես նույն չափերը՝ 6,5 մ × 3 մ։ 22ա բաժանմունքը արևելքից սահմանափակված է լանջի վրա տեղադրված հյուսիսից հարավ ձգվող հենապատով։



նկ. 1.

Երկու բաժանմունքներից՝ ա ն բ, ուղղագծվել է դեռևս նախորդ տարիներում։ Այստեղ էին գտնվել էլամերեն լեզվով արձանագրված կավե տախտակները 1987—1988 թթ. սենյակում կա-

22 բ բաժանմունքի հարավային մասում արևելքից արևմուտք ձգվում են Երկու հարակից պատեր (Երկ.՝ 6, 35 մ)։ Առաջինից մինչև սենյակի հյուսիսային պատն ընկած տարածքը

լծված է խարամաքարով և սվաղված է: Այս սվաղը տարածվում է նաև առաջին պատի վրա, թույլ տալով եղրակացնելու, որ սվաղն արված է ավելի ուշ, երբ առաջին պատը կորցրել է իր նշանակությունը: Ձևափոխման էր ենթարկվել նաև երկրորդ պատը: Նրա հարավային երեսին, արևմտյան ծայրում ձվաձև փորվածք է արված, որը ծառայել է որպես օջախ (տրամ.՝ 1,15 մ): Նրանում հայտնաբերվեցին մոխիր, ածխի կտորներ և հելլենիստական դարաշրջանի խեցեղեն բեկորներ:

Տարածքում պեղման ընթացքում հայտնաբերված խեցեղենը խառն է՝ միջնադարյան, անտիկ և ուրարտական: Սրանցից հետաքրքիր են հատկապես կանթավոր, հաստապատ կարասի բեկորները, որոնք պատված են թանձր կարմիր ներկի շերտով և փայլեցրած:

Մերձառաջարային համալիրի հարավային թևում է գտնվում նաև № 30 սենյակը: Պեղումներով առայժմ բացվել են նրա երեք պատերը: Հյուսիսային պատը, որ ամենալավ պահպանվածն է (բարձր.՝ 2,3 մ), հարում է նախորդ տարիներին ուսումնասիրված միջանցքի (№ 3) հարավային թևին: Արևմտյան պատը միջանցքի արևմտյան պատի շարունակությունն է կազմում: Արևելյան պատը ընդհանուր է № 15 սենյակի հետ: Սենյակի պատերը, հատկապես արևելյանը և արևմտյանը շատ են տուժել միջնադարյան հորերի, իլվածքների պատճառով: Սենյակի լայնությունը 4,5 մ է: Պատերի հաստությունը՝ 2,3 մ, իսկ բացված մասի երկարությունը հասնում է մինչև 3,5 մ-ի: Սենյակը տեղադրված է բլրի խեցած թեք լանջի, ուստի նրա հյուսիսային պատի հիմքերն ավելի բարձր են: Արևելյան և արևմտյան պատերի քարե հիմքերը ռելիեֆի թելադրանքով աստիճանաձև իջնում են ներքև: Այս սենյակում միջնադարյան շերտը շատ խորն էր, օրինակ, հյուսիս-արևմտյան անկյունում հասնում էր մինչև պատի քարե հիմքերը:

Սենյակի հյուսիսային մասում խորացել ենք մինչև 2,2 մ: Պատերի և լիցքի մեջ երևում են հրդեհի հետքեր: Դրանք սկսվում են 0,7 մ խորությունից և հասնում են մինչև 1,5 մ, որից հետո սկսվում է կավահողի նոր շերտը, առանց հրդեհի հետքերի: Ծվ ջանի որ սենյակը ավարտված չէ, ուրեմն այս հրդեհը ոչ թե ուրարտական ժամանակաշրջանի է, այլ ավելի ուշ: Հետագա պեղումները կպարզեն այս հարցը:


Հարավային մասում բացվեցին միջնադարյան կառույցների հետքեր՝ մի պատ, որի մեջ երևում է ուրարտական մի քար՝ մկրատաձև բնով, ապա քարերի կուտակումներ, հարթակի

կամ պատի այլ մնացորդներ: Դրանց տակ լավ երևում է ուրարտական վառված շերտը:

Սենյակի մեջտեղում հատակին բացվեց քարե ծորանով դուռ, գորշավուն կարծր տուֆից (երկ.՝ 0,94 մ, լայն.՝ 0,74 մ, բարձր.՝ 0,42 մ): Գուռը հյուսիսային պատից՝ հեռու էր 2,45 մ, արևելյան պատից՝ 2,10 մ, իսկ արևմտյանից՝ 1,45 մ: Գուռը զանգվածեղ է, դրսից ավելի կոպիտ մշակված և ունի ներսի կոնֆիգուրացիային համապատասխան տեսք (նավակի նման), նրա տարողությունը այնքան էլ մեծ չէ: Գուռի շափերն են. երկ.՝ 0—94 մ, լայն.՝ 0,74 մ բարձր.՝ 0,42 մ: Գուռի միջից գտնվեց ուրարտական թասի մի բեկոր, իսկ նրա ծորակից՝ երկու այլ բեկոր:

Ինչ վերաբերում է հնադիտական նյութին, ապա ուրարտական ժամանակի առարկաները հանդիպում են քնականաբար ստորին շերտերում: Դրանց մեջ աչքի են ընկնում կարմիր փայլեցրած մեծ սափորի պսակի մասը՝ երեք-նուկաձև շրթերով և կանթի զորշմաղարդ մի բեկոր, ինչպես նաև բրոնզե շքամեխ-դիդառին (նկ. 2,3): Ավելի սակավաթիվ է անտիկ ժամանակաշրջանի նյութը. կան կավանոթների դոտեղարդ բեկորներ, Երկաթե քառանիստ տեղի ծայրը կարող է նույնպես այս դարաշրջանին պատկանած լինել: Բազմաքանակ է միջնադարյան նյութը: Հասարակ սև և բաց դույնների պսակների և հատակների բեկորներ, կապույտ, կանաչ, մանուշակադույն, ջնարակած բեկորներ, հատկապես դանվեցին արևմտյան պատին կից բացված թոռի շրջապատից: Շատ հետաքրքիր է կավե ձակոտկեն կճուճ-քամիլը, որը բավական բնորոշ տեսակ է միջնադարյան Արմավիրի համար:

№ 23 սենյակի արևելյան մասի պեղումները սկսվել էին դեռևս նախորդ տարիներին: Այս սենյակը գտնվում է մերձառաջարային համալիրի հյուսիսային հատվածի՝ միջանցքից հյուսիս տեղադրված սենյակների երկրորդ շարքի, մինչև այժմ պեղված ծայր արևմտյան մասում: Այն № 14 բաժանարար սենյակից արևմուտք տեղադրված երրորդն է և մյուս երկու սենյակներից տարբերվում է միայն շափերի փոքրությամբ (սովորական 5 մ $\times$ 2,5 մ-ի փոխարեն 4,15 մ $\times$ 2,5 մ): Սենյակի արևելյան պատը № 19 սենյակի հետ ընդհանուր է, և դրանք միացնող մուտքը այդ պատի հյուսիս-արևելյան անկյունում է տեղադրված, միևնույն առանցքի վրա այդ շարքի սենյակների մուտքերի հետ: Մուտքի բարձրությունը 1,55 մ է, լայն.՝ 0,8 մ:



Սենյակի վերին շերտերի վրա նստած էր միջնադարյան տնտեսական նշանակության շինություն՝ մի քանի հորերով, թոնիրներով, կարասների հետքերով, Միջնադարյան կառույցի հյուսիս-արևելյան պատի մեջ տեղադրված դուռը բացվում է ուրարտական սենյակի մեջ։ Սենյակի հարավային և արևմտյան պատերը միջնադարյան սենյակի հատակի մի մասն են կազմել։ Միջնադարյան շերտը հեռացնելուց հետո միայն հնարավոր եղավ ուղղադեմ ուրարտական սենյակը։ Տեղանքի ուղիքի թեքության պատճառով սենյակի արևելյան մասը ավելի լավ էր պահպանված, քան արևմտյանը։ Այս սենյակը ենթարկվել է մյուսների ճակատագրին, Հրդհի և ավերվածության հետևանքով այն լցված էր աղյուսներով, ածխի և գերանների կտորներով։ Արևելյան պատի վրա վերևում պահպանվել են դռան բարակալի, պատի մեջ աղյուսված զերանի բեկորները և բարակալի վրա դրված աղյուսները։ Սենյակի աղյուսն պատերը դրված են 1—1,2 մ բարձրության քարե հիմքերի վրա, Հատակը հարթեցված է խարամաքարերով և սվաղված է, Հատակից 0,3 մ բարձրության վրա տեղադրված է դռան շեմը։

Սենյակը ամբողջությամբ լցված էր մոխրախառն հողով, այրված աղյուսների բեկորներով։ Սրանց միջից էլ դուրս էին դալիս նյութական մշակույթի մնացորդներ, խեցեղեն, երկաթե զործիքներ, ցածր ոտքերով քարե սկահակ՝ հար և նման մինչ այդ Արմավիրի պեղումների ընթացքում հայտնաբերված օձաքարե, պրոֆիրիտե և այլ քարատեսակներից պատրաստված սկահակներին։ Սենյակի ողջ տարածքով հայտնաբերվեցին նաև այրված կորեկի մնացորդներ, կապույտ ներկի բեկորներ և այրված ծծմբի կտորներ։

№ 26 քառակուսու հարավային մասը մաքրվել էր դեռևս 1986 թ., և 19-րդ սենյակի հյուսիսային պատին կից բացվել էր խճաքներից կազմված մի հարթակ։ Աշխատանքները կենտրոնացվեցին այս հարթակից ցած ընկած մասում, 2,10 մ հեռավորության վրա բացվեց բազալտե քարերից շարված արտակարգ կանոնավոր պատի մի հատված (երկ.՝ 6,6 մ), որը շարունակվում է թե դեպի արևելք, թե արևմուտք։ Ուրարտական այս հաստաբետ պատի առջև բացվեց 10 մ լայնքով մի հարթ տարածություն՝ լցված խարամաքարի մանր ու միջին կտորներով։ Այս լիցքի հաստությունը 0,5—0,6 մ է։ Տարածքից հայտնաբերված նյութական մնացորդները առատ չեն, խառն են, և գերակշռում է միջնադարյան նյութը։

№ 27 սենյակը հյուսիսից, արևելքից և հարավից հարակից է № 31, 12 և 17 սենյակներին։ Պարզ չէ նրա արևմտյան պատի հարցը։ Սենյակի ողջ տարածքը ենթարկվել է ավերածությունների միջնադարում և XX դարում։ Սենյակի հյուսիսային պատը խաթարվել է միջնադարյան շատ մեծ հորի (տրամ.՝ 1,8 մ) կաղամակերպման ժամանակ, նույն ձևով աղճատվել են նաև արևելյան և հարավային պատերը։ Նյութերն այս սենյակում գտնվում են խառը վիճակում, առանց շերտագրական օրինաչափությունների։ Նույն ճակատագրին է ենթարկվել հարևան № 31 սենյակը, որի երկու պատերն են բացվել, Հարավայինը (երկ.՝ 5 մ) մտնում է սենյակի արևմտյան մասի վերևում տեղադրված միջնադարյան քարե պատի տակ։ Արևելյան պատը մոտ 4,5 մ հեռավորության վրա թեքվում է ուղիղ անկյան տակ և կազմում ելուստ (0,46 մ), որը շարունակվում է դեպի հյուսիս։ Պատերը, ինչպես նաև սենյակի ներսի մասերը, խաթարված են միջնադարյան թոնիրների, հորերի, անգամ թաղումների հետևանքով։ Սենյակի տարբեր մասերում հանդիպում են քարե կոտակումներ, որոնք խանգարում են պեղումներին։ Սենյակի շերտագրական պատկերը բավական խառն է, ուրարտական նյութը երբեմն դուրս է դալիս վերևի շերտերից, իսկ միջնադարյան շարունակվում է մինչև սենյակի խորքերը։

Սենյակում հայտնաբերված խեցեղենը ներկայացված է նախ և առաջ ուրարտական խոշոր և հաստապատ անոթների բազմաթիվ բեկորներով։ Դրանք, այնուամենայնիվ, այնքան էլ շատ չեն, որպեսզի ամբողջացվի գոնե մի կարաս։ Հանդիպում են նաև ավելի փոքր կարասների շրթերի բազմաթիվ օրինակներ, ինչպես նաև կարմիր փայլեցրած թասերի բեկորներ։ Անտիկ խեցեղենը ներկայացված է կոնքերի, թասերի, ծորակավոր և քթիկավոր անոթների հասարակ գոտեզարդ բեկորներով։ Միջնադարը ներկայացված է մոխրագույն և սև կճուճների բեկորներով։ Պետք է առանձնացնել նաև մի քանի յուրահատուկ ձևերի կավանոթներ։ Մի անոթը սլաքանականորեն կարելի է համարել խորանարդաձև (№ 2,1), Այն ունի կարասների հատուկ պսակ։ Հաստ և կլորավուն շուրթը դեպի դուրս է հակված։ Վիզը լայն է ու ցածր։ Պահպանվել են արկղ-կարասի վերևի բավականին մեծ մասը, ինչպես նաև կողերի բեկորներ։ Հատակը չի պահպանվել։ Անոթը օխրայագույն է, սև խայտերով։ Անոթի պահպանված լիպերն են. երկ.՝ 35 սմ, լայն.՝ 24 սմ, բարձր.՝ 12,5 սմ, բերանի տրամ.՝ 22 սմ, ներսինը՝ 15 սմ, պսակի

րարձր.՝ 5,5 սմ), նման անոթներ հանդիպում են ավելի վաղ ժամանակներում, բայց ավելի փոքր չափերի են:

Շատ հետաքրքիր է սենյակի հարավային պատին կից բացված կրակարան հիշեցնող կավե անոթը (նկ. 2,4): Նրա պատերը ստորին մասում հարթ կտրած են՝ անոթի հարմար կանդենցենլու համար: Դեպի վեր աստիճանա-րար նեղացող կլորավուն պատը ուղիղ էր և հենված սենյակի պատին: Ստորին մասում կողքից ունի թոնիների ալ հիշեցնող պլյուտածե րացվածք: Դժվար է ասել, թե ինչ ա-վարտ է ունեցել նրա գաղաթային մասը: Սա-կայն ընդհանուր տեսքը, ստորին մասի նշված րացվածքը առարկային մերձեցնում են հնա-դույն ժամանակներից հայտնի կրակարաններին, ինչպիսիք հայտնաբերվել են Գառնիի բրոնզե-դարյան Դվիշի վաղ երկաթի և Արդիշտիխի-նիլի ուրարտական շերտերից: Իրի կավի բա-ղադրությունը և մշակման առանձնահատկու-թյունները, նրա հարևանությամբ գտնված հնա-դիտական նյութը, այդ թվում և հելլենիստա-կան ժամանակաշրջանի գլուտերը, թույլ են տալիս այն վերադրել հելլենիստական կամ մի փոքր ավելի վաղ ժամանակաշրջանի: Այս կրա-կարանից մի փոքր հեռու, մեկ բազալիտ ցած, սենյակի հարավ-արևելյան անկյունում րացվեցին ուրարտական մեծ չափերի եռանկյու-նաձև փորվածքների շարքերով հարդարված կարասի ընկոթներ:

Մոտ 1,50 մ խորությամբ վրա գտնվեց «փյունիկյան» տիպի մի ապակե սրվակ (նկ. 2,2): Այն ալաբաստոնաձև անոթ է, դրսից՝ նիստավոր: Անոթը դեպի ներքև թեթևակի լայնանում է: Վերևի մասը, վիզը, շուրթը և ունիները բացակայում են: Հատակը կլորա-վուն է: Նման անոթները պատրաստվել են մե-տաղե ձողի, կավե և ավազի միջուկի օգ-նությամբ, որի վրա հագցնում էին հալած ա-պակու զանգվածը, որը ստանում էր ապակե-գործի ցանկացած ձևը: Ապակյա զանգվածի վրա հյուսվում էին ապակյա թելեր, որոնք մշակման ընթացքում կալում էին իրանին կամ մտնում նրա մեջ, որով ստացվում էր փետ-րաձև կոշիկող զարդ: Սրվակը պատրաստված է սև գույնի ապակու զանգվածից և բաց-կապ-տավուն ապակյա թելերից: Նրա բարձրությու-նը 3,9 սմ է, լայնքը՝ վերևում՝ 1,3 սմ և ներ-քևում՝ 1,5 սմ: Նման սրվակները, անգամ չըն-չին տարողությամբ, ծառայում էին օժան-լիքների պահպանման և փոխադրման համար: Այս տեսակի սրվակը պատրաստված անոթներն ունեն շատ հին պատմություն: Դրանք պատ-րաստվում էին դեռևս մ.թ.ա. II հազարամյա-կում՝ եգիպտոսում, Ասորիքում, փյունիկյայում

և արևելամիջերկրական այլ կենտրոններում: Նման սրվակները հատկապես մեծ տարածում գտան հելլենիստական ժամանակաշրջանում: Սակայն ինչպես մատնանշում է հին ապակու ճանաչված մասնագետ, պատմական գիտու-թյունների դոկտոր Նինա Սորոկինան, նման սրվակները ծառայում էին ծարիրի պահպան-ման համար և թվագրվում են մ.թ.ա. I հա-զարամյակի կեսերով՝ V—IV դարերով: Ար-ժանահիշատակ է այն փաստը, որ Արմավիրում աճում է այդ դարերով թվագրվող առարկաների քանակը: Դեռևս նախորդ տարիների պեղում-ների ժամանակ Արմավիրում հայտնաբերված մահիկաձև ոսկե կրծքազարդը, կավե ցլակերպ պոչակը, խեցեղենի որոշ նմուշներ կարող են թվագրվել նույն ժամանակով, ավելի ճիշտ՝ մ.թ.ա. IV դարով: Եթե այդ այդպես է, ուրեմն հնարավոր է նշված իրերը կապել Ար-մավիրում Երվանդ III-ի գահակալման հան-գամանքների հետ:

Մ 29 սենյակը (կամ քառակուսին) պեղ-վեց հյուսիսային սենյակաշարի արևելյան ծայրին՝ Մ 25-ի հարևանությամբ, պարզելու համար, թե արդյոք շարունակվում է սեն-յակների շարքը: Այստեղ 25-րդ սենյակի հա-րավային պատի քարի հիմքերը շարունակվում են և կազմում որմնահեն, Այս որմնահենից դեպի հյուսիս ձգվում է մի պատ, որը ունի ֆի-թելադրանքով աստիճանաձև իջնում է հա-վանաբար մինչև պարիսպը: Այն շարված է բազալտե ճեղքած քարերից և լցված է խա-րամաքարով, առաջացնելով 2,5 մ x 2 մ մի հարթակ: Այս հարթակից արևելք լայնացնելով քառակուսին՝ հարավային ուղղությամբ մաքրու-վեց որմնահենով պատի արևմտյան երեսը: Այն շարված է խոշոր բազալտե քարերից, որոնց վրա բարձրացված է եղել աղյուսե վեր-նամասը: Ողջ պատը լավ սվաղված է եղել վե-րից վար: Այս պատից 2,45 մ հյուսիս մի աստիճանաձև պատ բացվեց (երկ.՝ 2,40 մ): Այն ևս կառուցված է բազալտե քարերով և սվաղված է կավով, սվաղը տարածված է նաև առաջին աստիճանի արևելյան կողմից սահ-մանափակող խարամաքարի վրա: Պատը եռ-

¹ Dan Barag. Rod-formed kohl-tu bes of the mid-first millen'um B. C. (Jour- nal of Glass studies, 1975, vol. XVII, p. 23—36)

2 Г. А. Ти р а ц я н, Золотая пектораль из Архавира (Советская археология, 1968, № 4, с. 190—198). Գ. Ա. Տ ի ր ա յ ց-յ ա ն, Ի. Ա. Կ ա ր ա պ ե տ յ ա ն, Արմավիրի 1985—1986 թթ. պեղումները (Պատմա-բանա- սիրական հանդես, 1988, № 3, էջ 224—225):

աստիճան է: Յուրաքանչյուր աստիճանի բարձրությունը 0,5—0,65 սմ է, լայնքը տատանվում է 0,2—0,3 մ-ի միջև: Այս աստիճանածև պատը ավարտվում է բաղալտե քարերով, որը

հատվածի խորությունը 2,2 մ է: Այստեղ վերևից ներքև թափված հողի մեջ հաջողությամբ հայտնաբերվում էին բոլոր երեք հիմնական շերտերին վերաբերող խեցեղեն մնացորդներ,



Նկ. 3

շարունակվում է թե դեպի արևելք, թե դեպի արևմուտք և ունի 0,4 մ բարձրություն: Պեղված

ինչպես նաև ուրարտական որմնանկարների մեծ օգտագործվող բոլոր գույների (կարմիր, կա-

պուլտ, սպիտակ, սև) հետքեր կրող ծեփի շատ փոքր կտորներ, որոնք հավանաբար պետք է վերաբերեն դազաթում գտնված շենքին:

Աշխատանքներ են տարվել նաև բլրի հարավ-արևմտյան լանջում՝ պարսպից ներքև, այսպես կոչված խորշաձև կառույցի մոտ: Այն հարթեցված ժայռի մի երկար շերտ է, որը երկու կողմից եզրափակվում է երկու նույնպես հարթեցված և ուղիղ անկյան տակ դտնվող թևիկերով: Ստորին մասում ժայռը մշակված է նստարասաձև և եռ ողջ տեսքով հիշեցնում է բլրի արևելյան ծայրի, շրամբարի մոտի ժայռոտոր կառույցները: Կառույցի ընդհանուր երկարությունը 15 մ է (14,85), բարձրությունը՝ 2,80—3,40 մ, թևերի երկարությունը՝ 1,5 մ և 3 մ: Նստարանի բարձրությունը 0, 60 մ է, խորությունը՝ 1,15 մ:

Կառույցի արևելյան մասի առջև փորձեցինք մաքրել ժայռը՝ շինարարական որևէ հետք դտնելու համար, սակայն բացվածը բնական ժայռն էր, շնայած այն տեղ-տեղ թողնում է աստիճանաձև մշակված լինելու տպավորություն: Այստեղ ժամանակի ընթացքում կազմավորվել էր հողի մի շերտ, որի մեջ պահպանվել էին հնագիտական նյութեր՝ հիմնականում խեցեղենի, ինչպես նաև քարե աշխատանքային գործիքների մի քանի բեկորներ: Խեցեղենը խառն է, ընդհանրապես այն տպավորությունն է ստեղծվում, որ այն վերևից թափվել է անձրևաշրերի հետ ու կուտակվել այստեղ: Խեցեղենը հասարակ է, անկերպար, ուրարտական խեցեղեն չկա, կա անտիկ շրջանին բնորոշ մի փոքր խումբ:

Կառույցից դեպի արևմուտք դտնվող ժայռի մեջ կորած և առու է փորված:

Ջրաշեն գյուղի գերեզմանոցում, որը գտնվում է երկրորդ բլրի արևմտյան լանջին, թաղում կատարելիս ի մի է հավաքվել դուրս եկած խեցեղենը: Տեղանքի զննումը թույլ է տալիս խոսել այստեղ հնագիտական շերտի գոյության մասին, որը ծածկվել է լանջերից ներքև հոսող խճի տակ:

Խեցեղենը անտիկ դարաշրջանին խիստ բնորոշ մի հավաքածու է, բայց հանդիպում են և

ուրարտական բեկորներ: Հանդիպում են կարասների, կոնքերի, տաշտերի, թասերի բնորոշ ձևեր, սափորների կանթեր և այլն: Ուշագրություն է արժանի կարմիր փայլեցրած սափորի բեկորը՝ վրան փորագրված շրջանակով:

Հողահարթեցման աշխատանքներ կատարելիս Հայկական գյուղի կոլտնտեսության հողատարածություններում, Արմավիր բլրի արևելյան ստորոտում, Արմավիր-Վնախանդյան խճուղին գերեզմանատանը միացնող ճանապարհի և հին ու նոր ջրանցքների անմիջական հարևանությամբ գտնվեց բազալտե մի սալ: Սալի լավ հարթեցված երեսին փորված է 15 տողից բաղկացած սեպագիր արձանագրություն (նկ. 3)՝ Հակառակ կողմը նույնպես մշակված է և ունի մակույկի ձև, քարե պատի մեջ ագուցելու համար: Սալի երկարությունը 0,50 մ է, լայնությունը՝ 0,35 մ:

Արձանագրությունը գրռված է Սարգուրի 11 թաղավորի անունից և հաղորդում է նրա կառուցած մի շարք շինությունների՝ Բարձուղի-բիդունի շենքի և երկու արի-ների մասին, այնպես թե՛ համապատասխանաբար 12000 և 8000 կապի տարողությամբ:

Արմավիրի պեղումները շարունակվում են: Նրանք հաստատում են հուշարձանի բազմաշերտ բնույթը և բացահայտում նրա նշանակությունը հին Հայաստանի պատմության և մշակութային համար:

Գ. Ա. ՏԻՐԱՅՑԱՆ, Ի. Ա. ԿԱՐԱՊԵՏՅԱՆ

3 Քարը գտել և պահել են Ռաֆիկ Մելքոնյանը, գյուղատնտես Ծուրա Հովսեփյանը և բրիգադիր Մեջիդ Սմոյանը:

4 Սիմոն Համայակյան, Նոր ուրարտական արձանագրություն Արմավիրից (ՀեՄՀ-ում 1987—1988 թթ. դաշտային հնագիտական աշխատանքների արդյունքներին նվիրված գիտական նստաշրջանի զեկուցումների թեղիսներ, Երևան, 1989, էջ 50—51):